



Inatsisartuni ilaasortaq Sofia Geisler, Inuit Ataqaatigiit
/ maani

**Nuummi Unaami illuliat pillugit § 37 naapertorlugu apeqquteqaammut 2019-322-
mut akissut**

17-10-2019
Suliaq nr.: 2019 - 22370
Id nr. 45706659

Asasara Sofia

Inatsisartut suleriaasianni § 37 naapertorlugu Nuummi Unaami illuliat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

- 1. Naalakkersuisut ilisimatitsissutigisinnaavaat Nuummi Unaami illulianut sanaartornermi periuereqarsimasoq Naalakkersuisut akuersissutigisimanageraat?**
 - a. Apeqqummut 1-mut akissut naamiuppat: Nuummi Unaami illulianut sanaartornermi periuseq atorineqarsimasoq oqartussaasunit kikkunnit akuerineqarpa?**

Akissut: Inissiat Illuut A/S-imit illuutileqatigiiffiusumit sananeqarsimapput aammalu ingerlatseqatigiiffiup nammineerluni atortussat toqqartarpei. Taamaattumik Naalakkersuisut taakkuninnga toqqartuinnermut akuersinermulluunniit akuutinneqarsimangillat.

- 2. Nuummi Unaami illulioritsineq periutsumik aalajangersimasumik tunuliaqutaqartoq, najugaqartunut nillimik suermillu atugassaqaqtitsilereersimasoq, Naalakkersuisut tunuliaqutserpaat?**

Akissut: Apeqquteqaat 1-imut akissut innersuunneqarpoq.

- 3. Ingerlatseqatigiiffiup Namminersorlutik Oqartussat tamakkiisumik pigisaata illulianut Nunatsinnut naleqqutinngitsunik allanik sanaartoqqinnginnissaanut Naalakkersuisut qanoq iliorniarpat?**

Akissut: Ilisimatitsissutigisinnaavara Ineqarnermut Attaveqaqatigiinnermullu Naalakkersuisoqarfimmi Illuutinut Oqartussaasut Unaami inissiat misissorneqarnerannut tunngasoq misissormassuk, aammalu Namminersorlutik Oqartussat illuutaanni assingusuni assinginiluunniit misissuinernek assingusunik sukumiinerusunilla aallartitsimmata. Tamatumani sanariaatsit Kalaallit Nunaannut naleqqutinnginnerinik oqarnejq ilumoornerseq pillugu paasiniaanissaq siunnerfigineqarpoq, ajornartorsiutit taakku Namminersorlutik Oqartussat sanaartugaanni misigineqarsimangimmata. Misissuineq kukkuneriuinerillu Illuut A/S-imut ingerlateqqinneqassapput.

4. Unaami inissiat sanaartukkat iluarsaateqqinneqartussanngornissaat kiap aningaasalersussavaa?

Akissut: Illuut A/S-ip sanatitsisutut illuliani ajornartorsiutinut suna tunngaviunersoq aalajangertussaavaa aammalu taakkununnga akisussaaffik inissittussaallugu. Taamaalillunilu aamma iluarsiinissamut taakkununngalu aningaasaliinissamut tunngasut isumagisassarai. Sanatitsisup atortunik kukkusumik toqqaasoqarsimanersoq, sannarluttoqarsimanersoq, sanaartornermi atortussat kukkuneqarnersut, sanaartukkanik aqutsineq aamma/imaluunniit sulianik nakkutilliineq amigarnersoq naammanginnorsorluunniit, imaluunniit allamik, akisussaaffiup inissinnissaanut sunniutilimmik pisoqarsimanersoq paasiniassallugu akisussaaffigaa.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen